

# **IMAQARNILIAQ SAA- Sanarfinermut Avatangiisinullu Ataatsimiititaq 14-05-2018**

**Ulloq ataatsimiiffissaq** Mandag 14. maj 2018 kl. 18:00

**Ataatsimiiffissaq** Mødelokale 1

# Indholdsfortegnelse

Saqqaa.....	3
Oqaluuserisassat akuerineqarnerat.....	4
Nalunaarutit.....	5
Ilisimatitsissutit.....	6
Aalajangiiffigissassat.....	7
Suliat Kommunalbestyrelsimut ingerlateqqitassat.....	8
Qussummi, Narsarsuarmi, Nuummi takornariartitsisinnaanermut akuersissutit.....	9
Qamuteralaat pillugit ileqqoreqqusaq.....	12
Kommunimut pilersaarummut tapiliussaq 1A20-1, Qatanngutigiiinguit pingasut, Nuuk.....	15
Kommunimut pilersaarummut tapiliussap, 2B2-4 Qeqertat 2020, Nuuk, Nuussuup illoqarfiata ilaa,	18
Kommunimut pilersaarummut tapiliussaq 4E2-1, Niaqornannguaq.....	23
Paamiut pillugit pilersaarut tamakkiisoq.....	27
Taasariaqartut allat.....	31
Suliat matoqqasut.....	32
Imaqarniliap akuersissutigineqarnera.....	33

## IMMIKKOORTOQ 0: Saqqaa

<p><strong>Ilaasortat</strong></p> <p>Malene Lyng (IA), siulittaasoq</p> <p>Harald Bianco (IA)</p> <p>Justus Hansen (D)</p> <p>Mala H&oslash;y-K&uacute;ko (S)</p> <p>Laura Ta&uacute;n&acirc;jik (S)</p>

# **IMMIKKOORTOQ 1: Oqaluuserisassat akuerineqarnerat**

## **Beslutning**

Oqaluuserisassat akuerineqarput.

## IMMIKKOORTOQ 2: Nalunaarutit

<p>2A. Siulittaasumit nalunaarutit</p> <p>2B. Ingerlatsivimmit nalunaarutit</p>

### **Beslutning**

2A. Siulittaasumit nalunaarutit.

- Silami eqqiaasoqassaaq.

- Ataatsimiititami siulittaasup Kommunalbestyrelsimiit sulinngiffeqarallarnissaminut augusti 2018-imi qinnuteqarnissaa ilimasasarutigineqarpoq. Tusagassiutitigut tamanna saqqummiuneqareerpoq, kukkusumilli saqqummiunneqarsimalluni. Tusagassiutitigummi saqqummiunneqarmat Kommunalbestyrelsip siulittaasup sulinngiffeqarallarnissaminut qinnuteqaataa akuerereersimagaa, tamannali ilumuunngilaq, tassami augustimi aatsaat sulinngiffeqarallarnissaq qinnutigineqassammat.

2. B. Ingerlatsivimmit nalunaarutit.

- Sullorsuaq ammagajalerpoq. naak siornatigut qaammatit pingasut qaangiuppata aatsaat ammassasoq nalunaarutigineqaraluarsimasoq maanna nalunaarutigineqarpoq, ilisimasalimmit misissorneqareerluni, sullorsuaq pisuinnarnut ammareermat, aammalu biilnut allanullu sap. ak. tulliuttuni ammarneqassalluni.

## **IMMIKKOORTOQ 3: Ilisimatitsissutit**

<p>Soqanngilaq.</p>

## **IMMIKKOORTOQ 4: Aalajangiiffigissassat**

<p>Soqanngilaq.</p>

## **IMMIKKOORTOQ 5: Suliat Kommunalbestyrelsimut ingerlateqqitassat**

# **IMMIKKOORTOQ 05A: Qussummi, Narsarsuarmi, Nuummi takornariartitsisinnanermut akuersissutit**

## **Beslutning**

Ilisimatitsissut tusaatissatut tiguneqarpoq, aammalu Aningaasaqarnermut Inuussutissaqarnermullu Ataatsimiititamut ilisimatitsissutit ingerlateqqinneqarluni, imannak oqaasertalerlugu:

- Innuttaasut piffinni pineqartuni atuisut ilaatinneqassapput.

## **Ilanngussat**

bilag 1.pdf

bilag 2 hel kal.pdf

bilag 2 kal.pdf

## **Qussummi, Narsarsuarmi, Nuummi takornariartitsisinnaanermut akuersissutit**

Suliaq ingerlasoq pillugu ilisimatitsissut

Ilisimatitsissut

J.nr: 16.03.01.01-P16-6-18

Sanarfinermut Avatangiisinullu Ingerlatsivik – pisortaqaq Hans Henrik Winther Johannsen / HHWJ

### **Suliassamik eqikkaaneq**

Sanarfinermut Avatangiisinullu Ingerlatsivik Namminersorlutik Oqartussani Inuussutissarsiornermut, Suliffeqarnermut, Niuernermut Nukissiuteqarnermullu Naalakkersuisoqarfimmit Nuup Kangerluaniittumi Qussummi eqalunniarsinnaanermut akuersissutinut marluusunut tunngasumik saaffigineqarpoq. Tamanna tunngavigalugu pilersaarusiornermik suliaq ingerlatsiviup aallartippaa, naatsorsuutigalugulu kommunimut pilersaarummut tapiliussatut siunnersuut 2018-ip ukiaani nassiutissallugu.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Ilisimatitsissut tusaatissatut tiguneqassasoq,
- suliaq Aningaasaqarnermut Inuussutissarsiornermullu Ataatsimiititamut ilisimatitsissutit ingerlateqqinneqassasoq.

### **Suliassamik saqqummiussineq**

Namminersorlutik Oqartussani Inuussutissarsiornermut, Suliffeqarnermut, Niuernermut Nukissiuteqarnermullu Naalakkersuisoqarfimmit Nuup Kangerluaniittumi Qussummi eqalunniarsinnaanermut akuersissummik qinnuteqaatit marluk tigusiimavai.

Akuersissutinik suliaqarneq imatut nassuiarneqarsinnaavoq.

- Akuersissuteqarnissamut periarfissaasinnaasumik saaffiginnissummik Namminersorlutik Oqartussat tigusaqarput.
- Akuersissuteqarnissaq kommunimut pilersaarummi pineqartumi periarfissaanersoq Namminersorlutik Oqartussat misissussavaa.  
"Periarfissaappat": Namminersorlutik Oqartussat neqeroortitsisinnaapput, taamaalillunilu qinnuteqartitsilluni.  
"Periarfissaanngippat": Akuersissuteqartoqarnissaanut periarfissiisumik kommunimut pilersaarummut tapiliussaliussanerluni kommunip aalajangiiffigissavaa.
- Pisariaqarpat pilersaarummut tunngavissaq suliarineqareerpat Namminersorlutik Oqartussat neqeroortitsisinnaallutillu qinnuteqartitsisinnaapput.

Inuussutissarsiornermik takornariaqarnermillu annertusaanissaq kommunimi suleqatigiinnissamik isumaqatigiissummi qitiutinneqarput, aamma Qussuk takornariartitsivissatut pissanganartunik periarfissagissaarmat Sanarfinermut Avatangiisinullu Ingerlatsivik sumiiffimmut tunngasumik kommunimut pilersaarummut tapiliussatut siunnersuusiorluni aallartippoq, tassuuna eqalunniartitsisinnaanermut akuersissuteqartitsinissaq periarfissaalersinniarlugu.

Takornariartitsisinnaanermut akuersissutaateqarneq ima paasineqassaaq, sumiiffiup aalajangersimasup iluani takornariartitsinermi nioqutissamik arlalinnilluunniit

tunniussisinnaatitaasoq. Takornariatitsinermi sammisaqarnermut akuersissut pisinnaatitaanermik pigisaqartumut tunniunneqartarpoq. Suliffeqarfik sumiiffimmik akuersissutaateqaleraangat, ass. kooqarfimmi, taava suliffeqarfik taanna sumiiffimmi pineqartumi suliamut aalajangersimasumut kisermaassisuussaaq. Sumiiffimmi tassani piffissami tassani allatigut suliaqartoqarsinnaavoq, ass. pisunneq, piniarneq, qaqqatigut sikkilerneq il.il. aamma najugaqavissut kuummut aalisariarsinnaatitaapput. Taamaattorli suliffeqarfiit allat inuussutissarsiutigalugu takornarissanut aalisartitsinermik tassani imaluunniit sumiiffiup nalaani ingerlatsisinnaanngillat. Akuersissuteqartarnissamik Inatsisartut Inatsisaat innersuussutigalugu, ilanngussaq 1.

#### *Aaqqiissutissatut siunnersuut – suliatigut naliliineq*

Sanarfinermut Avatangiisinullu Ingerlatsivik isumaqarpoq, Nuup Kangerlua takornarialerinermut tunngasutigut, akuersissuteqarfissatut periarfissarpassuaqartoq, taamaattumillu pilersaarusionerluni aallartilluni. Ingerlatsiviup naatsorsuutigaa, kommunimut pilersaarummut tapiliussatut siunnersuut 2018-imi ukiakkut politikikkut akuersissutigitinneqassasoq. Akuersissutip annertussusaa suullu suliat periarfissaatinneqassanersut siunnersuummi allaaserineqassapput.

#### *Aningaasaqarnikkut sulisoqarnikkullu naliliinerit*

Kommunimut pilersaarummut tapiliussatut siunnersuut kommunimut pilersaarummut ilaavoq, ingerlatsiviullu pilersaarusionerluni missingsuutaanut malunnaatilimmik sunniuteqassanngilaq.

#### *Inatsisitigut tunngavissaq allakkallu tunngaviusumik uppersaataitallit*

Pilersaarusionerluni aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq aamma Sumiiffinni nunami aalajangersimasuni takornariatitsinermut akuersissuteqartarnissaq pillugu Inatsisartut inatsisaat nr. 19, 3. december 2012-meersoq Landområder.

#### *Ingerlariaqqinnissaq*

Ingerlatsiviup siunnersuusionerluni soqutigisaqatigiit attuumassuteqartut akuutinniarpai.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfik matuma siuliini taaneqartut saniatigut oqaaseqaatissaqanngilaq.

#### **Innuttaasunik peqataatitsineq/attaveqatigiinneq**

Ingerlatsiviup pilersaarummut siunnersuusionerluni soqutigisaqatigiit attuumassuteqartut akuutinniarpai, pilersaarusionerluni inatsit naapertorlugu siunnersuut tamanut tusarniutigissallugu.

#### **Ingerlatsivinnit allaniit oqaaseqaatit**

Ingerlatsivinnit allaniit oqaaseqaateqartitsisoqanngilaq.

#### **Ilanngussat**

1. Sumiiffinni nunami aalajangersimasuni takornariatitsinermut akuersissuteqartarnissaq pillugu Inatsisartut inatsisaat nr. 19, 3. december 2012-meersoq Landområder.
2. Qussuup nunap assitaliorneqarnera.

# **IMMIKKOORTOQ 05B: Qamuteralaat pillugit ileqqoreqqusaq**

## **Beslutning**

Ilisimatitsissut tusaatissatut tiguneqarpoq, aammalu Aningaasaqarnermut Inuussutissaqarnermullu Ataatsimiititamut Kommunalbestyrelsimut ilisimatitsissutitut ingerlateqinneqarluni.

## **Qamuteralaat pillugit ileqqoreqqusaq**

Killiffik suleqqinnissarlu

Ilisimatitsissut

J.nr.: 16.08-P25-1-17

Sanarfinermut Avatangiisinullu Ingerlatsivik - pisortaq Hans Henrik Winther Johannsen / HHWJ

### **Suliassamik eqikkaaneq**

Sanarfinermut Avatangiisinullu Ingerlatsiviup qamuteralaat pillugit ileqqoreqqusamut killiffik matumuuna ilisimatitsissutigaa.

Imeqarfiit killeqarfiinut tunngasut pissutaallutik aamma imeqarfiup killeqarfiatigut (Kuuitt tatsillu, imermik pilersuineranut atornerqartut nunataanni imeqarfinnut killeqarfissat) assartuisinnaanermut tunngasumik ullumikkut atuuttumik nalunaarummik peqannginnera pissutaalluni suliaq sivirusoq.

### **Inassuteqaatit**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq, aammalu
- ilisimatitsissut Aningaasaqarnermut Inuusutissarsiornermullu Ataatsimiititamat Kommunalbestyrelsimullu ilisimatitsissutitut ingerlateqqinneqassasoq.

### **Suliassamik saqqummiussineq**

Sanarfinermut Avatangiisinullu Ingerlatsiviup qamuteralaat pillugit ileqqoreqqusap piffissami sivirusumi suliarineqarsimasup killiffianik ilisimatitsissut matumuuna saqqummiuppaa.

Kommuneqarfik Sermersuup ileqqoreqqusassatut siunnersuut piffissami 19. december 2016-imiit 6.februar 2017-imut tusarniutigaa. Tusarniutigineqarnerata nalaani ilaatigut Pinngortitaleriffiup tusarniummut akissutaanik ingerlatsivik tigusaqarpoq, tassani sumiiffimmik aamma allamik qamuteralannik aqputigineqassanngitsumik kissaateqarluni. Sumiiffik taanna ima annertutigaaq, siunnersuutip nutaamik tusarniutigineqarnissaa pisariaqarluni, tamanna ingerlatsiviup maanna piareersaleruttorpaa.

Tusarniuteqarnerup ingerlanerani aamma Namminersorlutik Oqartussat inatsisileriffianit suliap ingerlanera pillugu allaaserisamik ingerlatsivik tigusaqarpoq, tassani nassuiarneqarluni kommunimi siunissami ileqqoreqqusanut tunngasunik periuserineqartalertussat. Taakku periuserisartagaat naapertorlugu nutaamik tusarniaasoqannginnerani naalakkersuisoqarfiit attuumassuteqartut tusarniaaffigineqaaqartat.

Suliffeqarfiup iluani tusarniaasarnermi ingerlatsiviup qinnuteqaatigaa, imeqarfiup killeqarfiini atornerqanngitsuni aqqusiortoqarnissaq. Aqputissammi taakku ilaangippata qamuteralaat pillugit ileqqoreqqusaq ataatsimut isigalugu iluatsissinnaanngilaq.

Ingerlatsiviup qinnuteqaataa itigartinneqarpoq, imeqarfiup killeqarfiata (maannakkut atunngitsup) atorunnaarsinneqarnissaanik Namminersorlutik Oqartussat ingerlatsiviup maanna oqaloqatigileruttorpaa, imaluunniit aamma imeqarfiup killeqarfia aqqusaarlugu ingerlasoqarsinnaaneranik ajornartitsinngitsumik Namminersorlutik Oqartussat nutaamik nalunaarusiorsinnaavoq. Tassunga assingusumik Sisimiut pillugu Namminersorlutik Oqartussat

nalunaarusiornikuuvoq, tassanilu imeqarfiup killeqarfia aqqusaarlugu qamuteralannik angalanneq ajornartinneqanngilaq.

*Aaqqiissutissatut siunnersuut – suliatigut naliliineq*

Ingerlatsiviup Namminersorlutik oqartussanik oqaloqateqarnerit ingerlappai, nunaannarmilu qamuteralannik angallannerup ajornarunnaarsinneqarnissaanut ileqqoreqqusaqalernissaq sapinngisamik piaartumik pisinnaaqqullugu nalunaarummik suliaqarnissamut ikiuukkusulluni.

*Aningaasaqarnikkut sulisoqarnikkullu naliliinerit*

Ileqqoreqqusaliorneq kommunimut pilersaarummik suliaqarnermut ilaammat pilersaarusiornermut missingersuutitigut annerusumik sunniuteqartitsissanngilaq.

*Inatsisitigut tunngavissaq allakkallu tunngaviusumik uppersaatitallit*

Assartuutit motorinik ingerlatillit atorneqarneri pillugit Namminersorlutik Oqartussat nalunaarutaat nr. 10, 10. oktober 2013-imeersoq

*Ingerlariaqqinnissaq*

Killissarititaasut inissinneqareeriarpata qamuteralaat pillugit ileqqoreqqusaq nutaaq tusarniutigineqassaaq.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaateqartitsisoqanngilaq.

**Innuttaasunik peqataatitsineq/attaveqaqatigiinneq**

Soqanngilaq.

**Ingerlatsivinniit allaniit oqaaseqaatigineqartut**

Ingerlatsivinnit allaniit oqaaseqaateqartitsisoqanngilaq.

**Ilanngussat**

Ilanngussaqaanngilaq.

# **IMMIKKOORTOQ 05C: Kommunitut pilersaarummut tapiliusseq 1A20-1, Qatannutiginnuit pingasut, Nuuk**

## **Beslutning**

Inassuteqaatit akuerineqarput.

## **Ilanngussat**

Bilag 1 KAL.pdf

Bilag 2 KAL.pdf

Bilag 3 KAL.pdf

## **Kommunimut pilersaarummut tapiliusseq 1A20-1, Qatanngutigiiinguit pingasut, Nuuk**

Aalajangiiffissaq pillugu

J. nr: 16.03.01.01-P16-3-18

Sanarfinermut Avatangiisinullu Ingerlatsivik – Pisortaq, Hans Henrik Winther Johannsen / HHWJ

### **Suliassamik eqikkaaneq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1A20-1, Qatanngutigiiinguit pingasut, Nuuk, akuersissutigisassanngorlugu matumuuna saqqummiunneqarpoq.

Siunnersuut inissianik assigiinngitsunik angissusilinnik 60-it missiliorlugit amerlassusilinnik pilersitsinissamut periarfissiissaaq. Ullumikkut sanaartorfissatut toqqavik inuussutissarsiornissamut soqutiginnittunit atorineqarpoq.

Siunnersuut kommunimut pilersaarummut naapertuuppoq, sumiiffik tamaviat inissialorfissatut immikkoortitaammat.

### **Inassuteqaatit**

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- Kommunimut pilersaarummut tapiliusseq 1A20-1, Qatanngutigiiinguit pingasut, akuersissutigineqassasoq,
- pilersaarummut tapiliusseq Aningaasaqarnermut Inuussutissarsiornermullu Ataatsimiititamut akuerisassanngorlugu ingerlatinneqassasoq, aammalu Kommunalbestyrelsimut inaarutaasumik akuerisassanngorlugu ingerlateqqinneqassasoq.

### **Suliassamik saqqummiussineq**

Kommunimut pilersaarummut tapiliusseq suliarineqarpoq suliassap "Qatanngutigiiinguit pingasut, inissiat Nuummiittut, Svend Jungep Aqqutaa". Sanaartugassatut qinnuteqaatit Kommunalbestyrelsimut ulloq 10. april 2018-imi pilersaarusiornermut inatsisip 1. januari 2016-imi allannngortinnera naapertorlugu akuersissutigineqarput.

Kommunimut pilersaarummut tapiliussatut siunnersuut inissianik assigiinngitsunik angissusilinnik 60-it missiliorlugit amerlassusilinnik, illunut pingasunut quleriinnik 7-nik portutigisunik pilersitsinissamut periarfissiissapput. Siunnersuummut illut akornanni illoqannginnersami naasuliviliornikkut (mistbænk), oqquiffissaliornikkut ujarassuarnik issortalersuinikkut nunagissaaneq ilaavoq.

### **Aaqqiissutissatut siunnersuut – suliatigut naliliineq**

Sanarfinermut Avatangiisinullu Ingerlatsiviup inissiaqarfissaq nutaaq kommunimut pilersaarummut 2028 naapertuuttut nalilerpaa. Kommunimut pilersaarummi sumiiffik inissiaqarfissatut immikkoortitaavoq, tassanilu Nuummi attanneqarsinnaasumik illoqarfimmik ineriartortitsinissamut pingaarnertut najoqqutassatut akulikinnerusunik sanaartornissaq qitiutinneqarpoq. Pilersaarummilu inissialiassat quleriinnik 7-inik portussuseqarneri sumiiffimmut tulluarluinnarput.

Pilersaarummilu sanaartorfigineqanngitsut ilaatigut naasuliviit (mistbænk) varmespiralilersukkat naasullu pioreersut atorlugit ujarassuarnik nunagissaanissaq eqqarsaatigineqarsimallutik. Sumiiffik tamanut, illut tunuaniittumut qaqqajunnamut aqqusineqqamik pilersitsiffiunissaa soqutiginnittup pilersinniarpa.

#### *Aningaasaqarnikkut sulisoqarnikkullu naliliinerit*

Kommunimut pilersaarummut tapiliussamik siunnersuusiorneq aningaasatigut kinguneqartitsissanngilaq.

#### *Inatsisitigut tunngavissaq allakkallu tunngaviusumik uppernarsaatitallit*

Pilersaarusiorneq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq aamma Inatsisartut inatsisaat nr. 34 9. decemberi 2015-imeersoq Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Kommunimut pilersaarummut tapiliussaq inaarutaasumik akuersissutigineqareerpat, pilersaarut kommunip nittartagaatigut, Nuuk Ugeavisikkut aamma [www.sermersooq2028.gl](http://www.sermersooq2028.gl)-ikkut, tamanut saqqummiunneqassaaq. Tamatuma saniatigut ingerlatsiviup pilersaarut akuerisaq oqartussanut attuumassuteqartunut nassiutissavaa, Namminersorlutik Oqartussat nassiussivissatut allattorsimaffia naapertorlugu.

#### **Aningaasaqarnermut Allatseqarfimmit oqaaseqaatit**

Suliassamik saqqummiussaq qulaani pineqartoq Aningaasaqarnermut Allatseqarfimmit innersuussutigineqarpoq, pilersaarutillu taama ittu pillugit illoqarfimmi inuussutissarsiutinik ingerlataqartut ataatsimoorussinerat nuannaarutigalugu.

#### **Innuttaasunik peqataatitsineq/attaveqaqatigiinneq**

Kommunimut pilersaarummut tapiliussatut siunnersuut piffissami 28. marts 2019- 9. maj 2018, sapaatip akunnerini 6-ni tusarniutigineqarpoq, tusarniummullu akissutit 3 piffissaasukkut tiguneqarput, taakkulu pilersaarummik nalilersueqqinnissamut pissutissiinnngillat. Ingerlatsiviup suliarinninnera ilanngussaq 1-imi takuneqarsinnaavoq.

#### **Ingerlatsivinnit allaniit oqaaseqaatit**

Ingerlatsivinnit allaniit oqaaseqaateqartitsisoqanngilaq.

#### **Ilanngussaq/Ilanngussat:**

1. Tusarniaanermut akissutitut ingerlatsiviup suliaqarnera
2. Tusarniaanermut akissutit
3. Kommunimut pilersaarummut tapiliussaq 1A20-1, Qatanngutigiiinguit pingasut, Nuuk

# **IMMIKKOORTOQ 05D: Kommunitut pilersaarummut tapiliussap, 2B2-4 Qeqertat 2020, Nuuk, Nuussuup illoqarfiata ilaa, inaarutaasumik akuersissutigineqarnera**

## **Beslutning**

Inassuteqaatit akuerineqarput.

## **Ilanngussat**

Ilanngussaq1\_Tusarniaanermut akissutit ingerlatsiviup suliaqarnera.pdf

Ilanngussaq2\_Tusarniaanermut akissutit.pdf

Ilanngussaq3\_KPT\_2B2-4\_Qeqertat2020\_KAL.pdf

## **Kommunimut pilersaarummut tapiliussap, 2B2-4 Qeqertat 2020, Nuuk, Nuussuup illoqarfiata ilaa, inaarutaasumik akuersissutigineqarnera**

Qeqertani umiarsualiviup nunaminertaani sanaartugassatut qinnuteqaatit tunngavigalugit kommunimut pilersaarummut tapiliussaq.

Aalajangiiffigisassaq

J.nr.: 16.03.01.01

Sanarfinermut Avatangiisinullu Ingerlatsivik - pisortaq Hans Henrik Winther Johannsen / HHWJ

### **Suliassamik eqikkaaneq**

Sanarfinermut Avatangiisinullu Ingerlatsiviup matumuuna Kommunimut pilersaarummut tapiliussap 2B2-4, Qeqertat 2020, Nuuk, Nuussuup Illoqarfiata ilaa, inaarutaasumik akuersissutigisassanngorlugu saqqummiuppaa.

Qeqertani umiarsualiviup nunaminertaani sanaartugassatut qinnuteqaatit inaarutaasumik akuersissutigineqarnissaat tunngavigalugit kommunimut pilersaarummut tapiliussaq suliarineqarpoq. Sanaartugassatut qinnuteqaatit Kommunalbestyrelsimiit 21. november 2017-imi pilersaarusiornermut inatsisip 1. januar 2016-imi allannngortinnera naapertorlugu akuersissutigineqarput.

Sanaartugassatut qinnuteqaatini siunertarineqartut piviusunngortinnissaat kommunimut pilersaarummut tapiliussassaq naapertorlugu periarfissaalissaaq. Pilersaarutissatut siunnersuutitigut aalajangersakkanik aalajangersaasoqassaaq, taakkulu naapertorlugit sanaartugassatut qinnuteqaatinut ilaasut nunaminertat pilersaarummi ataatsimoorussami aamma Kommunalbestyrelsimiit kissaatigineqartut akuersissutigineqarnerisigut inerisarneqassapput. Matumani immikkoortup attaveqarnerata takuneqarsinnaasullu sanaartorneqarnera ilanngullugu. Peqatigitillugu pilersaarut naapertorlugu Nuummi containereqarfiup inerisarneqarnissaanut pilersaarutaasimasup ingerlateqqinnissaa qulakkeerneqassaaq, kiisalu nunaminertat kommunimut imaluunniit ineriartortitsinermut ingerlatseqatigiiffimmit kommunip pigisaanit atoruneqarsinnaallutik ilaatigut inuussutissarsiuteqarnermut atoruneqarsinnaallutik.

Kommuneqarfik Sermersuup Illoqarfiit pingaarnersaat pillugu periusissiaq aamma kommunimut pilersaarut 2028 naapertorlugit Nuummi inuussutissarsiuteqarfiup inerisarneqarnissaanut Kommunalbestyrelsimiit takorluugaanut kommunimut pilersaarummut tapiliussaq naapertuuppoq.

### **Inassuteqaatit**

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- Sanarfinermut Avatangiisinullu Ataatsimiititamit Kommunimut pilersaarummut tapiliussaq 2B2-4, Qeqertat 2020 akuersissutigineqassasoq,
- suliaq Aningaasaqarnermut Inuussutissarsiornermullu Ataatsimiititamut akuerisassanngorlugu ingerlatineqassasoq aammalu Kommunalbestyrelsimiit inaarutaasumik akuerisassanngorlugu ingerlateqqinneqassasoq.

### **Suliassamik saqqummiussineq**

Qeqertani Nuummi sanaartugassatut qinnuteqaatit pillugit Sanarfinermut Avatangiisinullu Ingerlatsiviup inassuteqaataa Kommunalbestyrelsimiit ulloq 21. november 2017-imi

ataatsimiinnermini akuersissutigissallugu aalajangiuppaa. Sanaartugassatut qinnuteqaatinut akerlilliissutit ingerlatsivimmit suliarineqarneri aamma tusarniaanerup nalaani periarfissatut sanaartugassat nassiunneqartut atulersinneqarnissaat tunngavigalugit inassuteqaatit akuersissutigineqarput. Kommunalbestyrelsip akuersissuteqarnerata kingorna nunaminertap inaarutaasumik atulersinneqarnissaa siunertaralugu soqutigisaqaqatigiit ataatsimoortillugit ingerlatsivimmit ataatsimeeqatigineqarput, kiisalu Kommunalbestyrelsimit piumasaqaataasut soqutigisaqaqatigiinnillu kissaataasut pitsaanerpaamik aaqqiiviginiarlugit soqutigisaqaqatigiit tamarmik immikkut ataatsimeeqatigineqarlutik.

Immikkoortup ataatsimoortumik pilersaarusionneqarnissaa qulakkeerniarlugu, Kommunimut pilersaarummut tapiliusseq 2B2-3-mi maleruaqquneqartut aalajangersakkallu atuuttut sanaartugassatut qinnuteqaatinut ilaatinneqanngitsut nunaminertat pillugit pilersaarummut matumunnga nuunneqarput. Taamaalilluni kommunimut pilersaarummut tapiliusseq 2B2-4 naapertorlugu sanaartugassatut qinnuteqaatit piviusunngortinneqarnissaat periarfissaalissaaq, nunaminertat kommunimit imaluunniit ineriartortitsinermut ingerlatseqatigiiffimmit kommunip pigisaanit atorneqarsinnaallutik inuussutissarsiutinullu allanut ineriartortinneqarsinnaassallutik, kiisalu Nuummi containereqarfiup umiarsualiviup ineriartortinnissaanut periarfissat pillugit pilersaarutaasup atuuttup ingerlateqqinnissaa qulakkiissallugu.

Kommunimut pilersaarummut tapiliussassatut siunnersuut naapertorlugu immikkoortup ilaata killeqarfia iluarsineqassaaq, pissutigalugu immikkoortup ilaa pilersaarummi "Nuuk Nutaamik Pingaarnertut Aaqqissuunneqarnera"-ni nunaminertanik nutaanik ilanngussisoqarneratigut annikillisinneqarmat. Immikkoortuttaaq pilersaarusionerfiusup iluani immikkuualuttut pilersaarummit matuminnga iluarsineqassapput. Immikkuualuttoq una ima ilaneqassaaq:

Immikkuualuttoq A: Immikkuualuttumi Sikuki umiarsuarnut containerinik usisunut umiarsualivilioreerneratigut sanaartorfiusinnaasut ilaani sanaartorfioerpoq. Sanaartorfissat ullumikkut atorneqarneratut atorneqaannassapput. Sanaartorfissaq 1 kommunimut pilersaarummut tapiliussamit matuminnga iluarsineqassaaq siunissamilu alliliinissamut periarfissat qulakkiissallugit. Immikkuualuttumi sanaartorfissat sanaartorfineqarnerini annerpaamik 50 %-iutinneqassapput portunerpaaffialu 32,5 meteriutinneqassalluni.

Immikkuualuttoq B: Immikkuualuttumi sanaartorfissat pilersaarusionnissamik siunnersuutit qinnuteqaatigineqartut naapertorlugit aalajangersarneqassapput, taakkulu piviusunngortissinnaanngorlugit. Sanaartorfissat nutaat qulit pilersinneqarput, tassa immikkuualuttumi inuussutissarsiutitut siunertanut. Illuliat portunerpaamik 18 meteriusut nunaminertat agguanneqartut akornanni immikkuualuttumi sanaartorfissat 1/3-iisa aamma 2/3-iisa akornanni sanaartorneqarsinnaapput. Taamaattoq sanaartorfissat 30 %-iini portussuseq 26 meteri akuerineqarpoq.

Immikkuualuttoq B-mi soqutigisaqaqatigiit sanaartorfigiuminarsaanermut pilersaarummik suliaqarnissaanut pisussaapput, tassanilu immikkoortup sanaartorfigiuminarsarnissaa pingaarnertut nassuiaatigissallugu. Immikkuualuttoq B-mi sanaartugassatut qinnuteqaatit akuersissutigineqarnerini Kommunalbestyrelsip piumasaqaatai naapertorlugit aalajangersakkanik aalajangersaasoqarpoq. Matumani immikkuualuttup avannaatungaani qeqqani ataatsimoorfiusumi sanaartoqqusaanermut piumasaqaateqarnermi, nunaminertat atuuffiusut atajuartussamik

qalliuserneqassapput taavalu ataatsimut allagartarsualersorneqassallutik, ungaluusat aalajangersimasut atorneqarlutik aamma qullilersuisoqarluni.

Immikkoortup kiassaateqarfissaanut sanaartorfissaliisoqarpoq Usisaallu tamatumani assingusumik kiassaateqarfimmik pilersitsinissaminut kissaateqarluni. Kommuni, Nukissiorfiit immikkoortumilu soqutiginnittut akornanni oqaloqatigiinnikkut immikkoortup kiassarneqarnissaa ersarissaavigineqassaaq.

Immikkuualuttoq C: Inuussutissarsiuteqarnermik suliffeqarfinnut, umiarsualivimmi inuussutissarsiutinut kiisalu inaalitsivinnut atugassaavoq. Sumiiffik ullumikkut illulianik sanaartorfioreerpoq, inissallu atorneqarsinnaasut tamakkerneqarsimallutik. Immikkoortumi portunerpaamik 15 meterinik sanaartortoqarsinnaavoq.

Immikkuualuttoq D: Sumiiffik attaveqaatinut atortulersuutinut atugassanngortinneqassaaq, soorlu sapusiaq aamma Qeqertat Pukuffillu aqqutilernissaannut ikaartarfik, taakku maanna sanaartorneqarput.

#### *Aaqqiissutissatut siunnersuut – suliatiqut naliliineq*

Nuummi inuussutissarsiuteqarfiup inuussutissarsiortullu inerisaqqinnissaannut Kommuneqarfik Sermersuup Illoqarfiit pingaarnersaat pillugu periusissiaani kommunimullu pilersaarummi politikikkut pingaarnersiugaasoq naapertorlugu kommunimut pilersaarummut tapiliussassatut siunnersuutitigut matumuuna periarfissaalissasoq Sanarfinermut Avatangiisinullu Ingerlatsivimmit naliliisoqarpoq. Pilersaarummi aalajangersakkat naapertorlugit immikkuualuttoq B-mi sanaartugassatut qinnuteqaatit piviusunngortinniarneri immikkoortumi attaveqarneq takuneqarsinnaasullu pillugit ataatsimut najoqqutarineqartut malillugit pissasoq qulakkeerneqassaaq. Peqatigitillugu illoqarfimmi qitiusumi inissisimasumi ataqatigiissumik inuussutissarsiuteqarfimmik pilersitsisoqassaaq. Peqatigitillugu pilersaarut naapertorlugu nunaminertaq kommunimit imaluunniit ineriartortitsinermut ingerlatseqatigiiffimmit kommunip pigisaanit atorneqarnissaa qulakkeerneqassaaq, taamaattoqarneratigut soqutigisaqatigiit amerlanerusut nutaanillu inuussutissarsiuteqartut pilersitsisinnaallutik immikkoortumilu neqeroortugineqartut atuuffiillu inerisarnissaannut peqataallutik. Pilersaarut naapertorlugu siunissami qaninnerusumi ungasinnerusumilu inuussutissarsiuteqarinnikkut illoqarfiullu inerisarnissaatigut periarfissanik assigiinngitsunik ammaassisoqassaaq. Soqutigisaqatigiit sanaartugassatut qinnuteqaataat matumani ilaatinneqartut pilersaarutit aallartissinnaavaat, siunissamilu qaninnerusumi ilaatigut sanaartornissamik pisussaaffiliisoqartussaalluni. Peqataanillu Nuummi containereqarfiup ineriartorteqinnissaanut periarfissat ammaaneneqassapput taamaaliortoqarnerani piffissami sivilisinnerusumi atuussinnaalluni.

#### *Aningaasaqarnikkut sulisoqarnikkullu naliliinerit*

Kommunimut pilersaarummut tapiliussap suliarineqarnera aningaasatigut kinguneqartitsissanngilaq. Immikkoortumi kommune / ineriartortitsinermut ingerlatseqatigiiffimmik kommunimit pigineqartoq nunaminertamik piginnittuutitaammat, immikkoortuni sanaartorfiguminarsaanernut siunissami ungasinnerusumi aningaasanik immikkoortitsisoqassaaq. Aningaasat amerlassusaat siunissami aalajangersarneqassapput, kommunillu sanaartornermut pilersaarusaata ilaani takuneqarsinnaassalluni, imaluunniit illoqarfiup ineriartortinneqarnissaanut ingerlatseqatigiiffik aqquqatigalugu pissalluni.

#### *Inatsisitigut tunngavissaq allakkallu tunngaviusumik uppersaatitallit*

Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq & Inatsisartut inatsisaat nr. 34, 9. december 2015-imeersoq  
Kommunimut pilersaarut digitaliusoq [www.sermersooq2028.gl](http://www.sermersooq2028.gl)

### *Ingerlariaqqinnissaq*

Kommunimut pilersaarummut tapiliussaq Sanarfinermut Avatangiisinullu Ataatsimiititamit akuersissutigineqareerpat Aningaasaqarnermut Inuussutissarsiornermullu Ataatsimiititamut akuersissanngorlugu ingerlateqqinneqassaaq, kingornalu Kommunalbestyrelsimut inaarutaasumik akuersissutigisassanngorlugu ingerlateqqinneqassalluni.

Kommunimut pilersaarummut tapiliussaq inaarutaasumik akuersissutigineqareerpat, pilersaarut kommunip nittartagaatigut, Nuuk Ugeavisikkut aamma [www.sermersooq2028.gl](http://www.sermersooq2028.gl)-ikkut, tamanut saqqummiunneqassaaq. Tamatuma saniatigut ingerlatsiviup pilersaarut akuerisaq oqartussanut attuumassuteqartunut nassiutissavaa, Namminersorlutik Oqartussat nassiussivissatut allattorsimaffia naapertorlugu.

### **Aningaasaqarnermut Allatseqarfimmit oqaaseqaatit**

Suliassamik saqqummiussaq qulaani pineqartoq Aningaasaqarnermut Allatseqarfimmit innersuussutigineqarpoq, pilersaarutillu taama itutt pillugit illoqarfimmi inuussutissarsiutinik ingerlataqartut ataatsimoorussinerat nuannaarutigalugu.

### **Innuttaasunik peqataatitsineq/attaveqaqatigiinneq**

Kommunimut pilersaarummut tapiliussamut siunnersuut, piffissami 28.03.2018-09.05.2018, sapaatip-akunnerini arfinilinni tusarniaassutigineqarpoq, tusarniaanerullu nalaani akerlilissutit oqaaseqaatillu 7-it tiguneqarput. Ingerlatsiviup suliarinninnera ilanngussaq 1-imi takuneqarsinnaavoq. Tusarniaareernerup kingorna kommunimi pilersaarummut tapiliussami annikitsunik iluarsissuteqartoqarpoq.

Tusarniaanerup nalaani illoqarfimmik inerisaanermut immikkoortortaq sanaartugassanut qinnuteqartunik soqutigisaqaaqatigiinnik ulloq 18.04.2018 ataatsimiisitsivoq. Ataatsimiinnermi kommunimut pilersaarummut tapiliussaq illoqarfimmik inerisaanermut immikkoortortamit saqqummiunneqarpoq, soqutiginnittullu pilersaarummut apeqquteqarnissaminnut periarfissinneqarlutillu akerliliiinissamut periarfissanik erseqqissaavigineqarput. Tamanna allannguuteqarnissamut tunngavissiiingilaq.

### **Ingerlatsivinnit allaniit oqaaseqaatit**

Ingerlatsivinnit allaniit oqaaseqaateqartitsisoqanngilaq.

### **Ilanngussaq/Ilanngussat:**

1. Tusarniaanermut akissutitut ingerlatsiviup suliaqarnera
2. Tusarniaanermut akissutit
3. Kommunimut pilersaarummut tapiliussaq 2B2-4, Qeqertat 2020

# **IMMIKKOORTOQ 05E: Kommunitut pilersaarummut tapiliussaq 4E2-1, Niaqornannuaq**

## **Beslutning**

Inassuteqaatit akuerineqarput.

## **Ilanngussat**

Bilag 1 KAL.pdf

Bilag 2 KAL.pdf

Bilag 3 KAL.pdf

## **Kommunimut pilersaarummut tapiliusseq 4E2-1, Niaqornannguaq**

Aalajangiiffigisassaq

J.nr.: 16.03.01.01-P16-5-18

Sanarfinermut Avatangiisinullu Ingerlatsivik - pisortaq Hans Henrik Winther Johannsen / HHWJ

### **Suliassamik eqikkaaneq**

Kommunimut pilersaarummut tapiliusseq 4E2-1, Niaqornannguaq inaarutaasumik akuersissutigineqartussanngorlugu Sanarfinermut Avatangiisinullu Ingerlatsivimmit matumuuna saqqummiunneqarpoq.

Siunnersuut sap.ak. arfinilinni piffissami 14. februaarimiit 28. marsi 2018-ip tungaanut tamanut tusarniutigineqarpoq, tusarniummullu akissutit pingasut piffissaasukkut tiguneqarput.

Kommunimut pilersaarummut tapiliussamat siunnersuut antenneqarfimmik pilersitsinissamat sinaakkutissanik pilersitsisoqarnissanik kissaateqarnermik tunuliaqutaqarpoq. Qaammataasaq aqqutigalugu internetimik sukkanermik nunarsuup sinneranut kiffartuussinissamik pilersitsinissamik kissaateqarneq. Sukkasuumik internitikkut attaveqarneq akikitsumik kiffartuussissutaassaaq, taannalu nunarsuarmi sumiikkaluaraanniluunniit iserfigineqarsinnaassaaq, inuilaamiluunniit. Ingerlatsiviup pineqaatissinneqarsimasunut inissiisarfissap avannaatungaani sanaartorfissanik marlunnik atortutigut pilersaarusiornermilu periusissamat tulluatumik tikkuuasimapput. Sumiiffik kommunimut pilersaarummut atuuttumut teknikkimut atortulersuutinut atugassatut inniminniigaavoq.

Antenneqarfiup aaqqissuusaanera periarfissaqarneralu pinngortitarsuarmut Quassussuup avannaatungaaniittumut sumiiffimmullu sanaartornissamat pilersaarutaasunut tulluartuutinneqarpoq.

### **Inassuteqaatit**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommunimut pilersaarummut tapiliusseq 4E2-1, Niaqornannguaq, Nuummiittoq pillugu inaarutaasumik akuersissutigineqassasoq, aammalu
- Kommunimut pilersaarummut tapiliusseq akuersissutigisaq, Aningaasaqarnermut Ataatsimiititamut akuerisassanngorlugu aammalu Kommunalbestyrelsimut inaarutaasumik akuersissutigineqartussanngorlugu ingerlatinneqassasoq

### **Suliassamik saqqummiussineq**

Kommuneqarfik Sermersooq Nuummi antenneqarfiliornissamat pissanganartumik pimoorussisumillu saaffigineqarpoq, sumiiffissaasinnaasumut pilersaarutitut killiliussaliornissamat ikiorneqarnissaq anguniarlugu. Antenneqarfik nunarsuaq tamakkerlugu sumiiffinni assigiinngitsuni nunami sananeqarsimasut 30-t ilagissavaat. Nuup nunami inissisimanera peqqutaalluni attaveqaatitigut nunarsuup avannarliup avataani qaammataasat atorlugit attaveqarneq pitsaaneruseqarnermik periarfissaqalissaaq. Antenneqarfimmiit imaatigut kabelimut attaveqalernissaq tassuunalu nunarsuaq tamakkerlugu internetikkut sukkaneruseqarnermik attaveqalernissaq periarfissaalissalluni. Suliffeqarfimmiit Nuup nunami inissisimanera aaqqissuusaaneralu peqqutaallutik pilersitsiffissatut tulluartinneqarpoq.

Pilersaarut TelePost attaveqaqatigiinnermi aaqqissussaareersunut akisussaasoq neqerooruteqartorlu suleqatigalugu ingerlanneqassaaq.

Antenneqarfiup pineqaatissinneqarsimasunut inissiissarfissap avannaatungaani sineriammi inissisimanera kommunimi pilersaarusiame immikkoortup ilaanut 4E1-imi qaartiterutaasivissamut namminersortunut kiffartuussinnermut aqputissiarineqartussatut pilersaarutaareersumut ilanngunneqassaaq. Namminersorlutik Oqartussanit allagaqaammi pilersaarutip sumiiffimmi sivisuumik najorneqartussaanginnera peqputaalluni qaartiterutaasivissamut isumannaallisaanermi killeqarfianit pilersinneqarnera sunnerneqarnaviangitsoq allassimavoq.

Antenneqarfik peqqissutsimut kingunerlutsitsinaviangilaq. Antenneqarfik nunat tamalaat akornanni timmisartoqarnermut oqartussanit akuerineqarpoq timmisartornermullu isumannaallisaanermut sunniuteqarnaviarnani.

#### *Aaqqiissutissatut siunnersuut – suliatigut naliliineq*

Ingerlatsivimmit Nuup nunat tamalaat akornanni suliffeqarfiusumit telemi attaveqaatit iluanni pilersaarummik nutaaliarfissatut inissisimavissatut qinerneqarnerata iluaqutissaanera tuniniaanermilu periarfissaqarnera isigaat. Kommunimi pilersaarummut tapiliussap qaammataasaq atorlugu misissuinerit radarit pilersinneqarneranik ineriartortitsinerit malitseqarnissaanik periarfissaqarneq pilersaarutitut tunngasunik sinaakkutissaqarnissaa qulakkiissavaa.

Antenneqarfiup inissisimanera Nuummiit Kuanninnguanut sisorariartut, qamuterallattut sukisaarsarlutik sammisaqartut Nuup timaata tungaanut aqputaat pioreersut akornusernaviangilai.

Antenneqarfiup pilersinnissaanut nunap qaava annertunerusumik allanngortinneqarnaviangilaq. Antenneqarfiup isikkua qalipaataatalu ilusilersukkatut isikkoqarnera pinngortitamut kusanarluinnartumut naleqqussorineqarpoq.

Pilersaarusiornermi teknikkikkut immikkoortup ilaa 4E2 pilersinneqarpoq immikkoortullu ilaa 4E1 pioreersaq affanngortinneqarpoq, 4E1-illi qaartiterutaasivissamut aqputissaanullu aalajangiussat tunngasut ataanassapput.

Tusarniummut akissutit tiguneqartut kommunimut pilersaarummut tapiliussamut oqaaseqaatissaqanngillat.

#### *Aningaasaqarnikkut sulisoqarnikkullu naliliinerit*

Kommunimut pilersaarummut tapiliussamik siunnersuusiorneq aningaasatigut kinguneqartitsissanngilaq.

#### *Inatsisitigut tunngavissaq allakkallu tunngaviusumik uppernarsaatitallit*

Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq

Inatsisartut inatsisaatigut nr. 34, 9. december 2015-imeersoq aamma kommunimut pilersaarut

[www.sermersooq2028.gl](http://www.sermersooq2028.gl)

*Ingerlariaqqinnissaq*

Kommunimut pilersaarummut tapiliusseq Sanarfinermut Avatangiisinullu Ataatsimiititamit akuersissutigineqareerpat Aningaasaqarnermut Inuussutissarsiornermullu Ataatsimiititamut kingornalu Kommunalbestyrelsimut akuersissutigisassanngorlugu ingerlateqqinneqassaaq.

Kommunimut pilersaarummut tapiliusseq akuersissutigisaaq kommunip nittartagaanut, Nuuk Ugeavisimut aamma [www.sermersooq2028.gl](http://www.sermersooq2028.gl)-imut tamanut nalunaarutigineqassaaq. Tamatuma saniatigut ingerlatsiviup pilersaarut akuerisaaq oqartussanut attuumassuteqartunut nassiutissavaa, Namminersorlutik Oqartussat nassiussivissatut allattorsimaffia innersuussutigalugu.

### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfiup suliaq matuma siuliini pineqartoq innersuussutigaa, soqutiginarorujussuuartullu isigalugu kommunip taamatut ittumik pilersaarummik soqutiginarumik pissarsisinneqarnera.

### **Innuttaasunik peqataatitsineq/attaveqaqatigiinneq**

Kommunimut pilersaarummut tapiliussatut siunnersuut piffissami 14. februaari – 28. marsi 2018 - mut tusarniutigineqarpoq, tusarniummullu akissutit pingasut piffissaasukkut tiguneqarput (ilanngussaq 1), taakkulu pilersaarummik nalilersueqqinnissamat pissutissiinngillat.

### **Ingerlatsivinnit allaniit oqaaseqaatit**

Ingerlatsivinnit allanit oqaaseqaateqartitsisoqanngilaq.

### **Ilanngussat:**

1. Akerliliissutininik tiguneqartunik suliaqarneq
2. Tusarniaanermut akissutit assilineri
3. Kommunimut pilersaarummut tapiliusseq 4E2-1, Niaqornannguaq

# **IMMIKKOORTOQ 05F: Paamiut pillugit pilersaarut tamakkiisoq**

## **Beslutning**

Inassuteqaatit akuerineqarput.

## **Ilanngussat**

Paamiut Helhedsplan.pdf

## **Paamiut pillugit pilersaarut tamakkiisoq**

Aalajangiiffigisassaq

J.nr.: 16.04-P20-2-17

Sanarfinermut Avatangiisinullu Ingerlatsivik - pisortaq Hans Henrik Winther Johannsen / HHWJ

### **Suliassamik eqikkaaneq**

Paamiut pillugit pilersaarut tamakkiisoq pilersaarutaavoq illoqarfiup atorneqarnissaanut periarfissanik aalajangersaasusaaq siunissamilu qanoq pitsaanerpaamik ineriartortinneqarnissaannik aamma/imaluunniit nukittorsarnissaannik takutitsisusooq. Pilersaarummi illoqarfiup pitsaaqutai pitsanngorsaaviginiarneqarput, taamaalilluni orniginarnera, qorsooqqinnera, illoqarfiup piujuartinneqarnissaa attatiinnarneqarniassammat, tassanilu illoqarfiup qeqqata ingerlalluarnissaa pingaartinneqassaaq, ataatsimoornissamut periarfissaqassaaq, illoqarfiup innuttaasui peqqinnissamut aalanissamullu periarfissinneqassallutik.

Pilersaarummi suliniutissat assigiinngitsut immikkoortiterneqarput, tamarmilli ataatsimut qulequtaqarput; illoqarfimmik ataqatigiissumik innuttaasunut pilersitsinissaaq. Pilersaarut tamakkiisoq Najukkami Ataatsimiititaliamit sakkussaavoq, iliuuseqarnermilu malittarinnillattaartarnissamut aallaaviusassalluni.

### **Inassuteqaatit**

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- Paamiut pillugit pilersaarut tamakkiisoq akuersissutigineqassasoq,
- Siunnersuut akuersissutigisaaq, Aningaasaqarnermut Inuussutissarsiornermullu Ataatsimiititamut Kommunalbestyrelsimullu akuerisassanngorlugu ingerlatinneqassasoq

### **Suliassamik saqqummiussineq**

Paamiut pillugit pilersaarutip tamakkiisup suliarineqarnissaa kommunimut pilersaarummit Sermersooq2028-miittoq politikkikkut akuersissutigineqarnikuuvoq, qitiutillugillu iliuuseqarfigineqartussat pingasusut aallaavigineqassapput: 1 Niuertoruseqarfik, eriaginninneq qitiutillugu, 2 Blokkunik isaterineq aamma 3 Illoqarfiup qeqqanik kusassaaneq.

Paamiut pillugit pilersaarut tamakkiisoq pilersaarutaavoq illoqarfiup atorneqarnissaanut periarfissanik aalajangersaasusaaq siunissamilu qanoq pitsaanerpaamik ineriartortinneqarnissaannik aamma/imaluunniit nukittorsarnissaannik takutitsisusooq. Pilersaarummi illoqarfiup pitsaaqutai pitsanngorsaaviginiarneqarput, taamaalilluni orniginarnera, qorsooqqinnera, illoqarfiup piujuartinneqarnissaa attatiinnarneqarniassammat, tassanilu illoqarfiup qeqqata ingerlalluarnissaa pingaartinneqassaaq, ataatsimoornissamut periarfissaqassaaq, illoqarfiup innuttaasui peqqinnissamut aalanissamullu periarfissinneqassallutik.

Pilersaarut tamakkiisumi illoqarfiup aaqqissugaanerata ataqatigiinnerulernissaa siunertaavoq, pingaartumik illoqarfimmi illoqannginnersat akornanni, taakkumi illoqarfimmi suliniutinut sammisanullu ingerlanneqareersunut atorneqarsinnaapput atorneqassallutillu. Matumani illoqarfimmi pioreersut ineriartorteqqinneqarnissaat siunertaavoq, taakkulu Paamiut najoruminartuujarnissaanut pitsanngorsaavigineqarlutillu nutarterneqassapput. Pilersaarut

tamakkiisumi illoqarfimmi suliniuteqarfissat pillugit najoqqutassiortoqarlunilu sinaakkutissanik pilersitsisoqassaaq, tassa matumani pineqarlutik aqqusinerni qullit, pinnguartarfinnik pilersitsinerit imaluunniit eqqumiitsuliat atorlugit kusassaanerit. Pitsaanerulersitsinissamut illoqarfiullu ineriartortinnissaanut suliniutit tamarmik illoqarfiup qeqqanik "nukittorsaataallutillu" ataatsimuulersitsissapput, tamannalu pillugu Pilersaarut tamakkiisumi suliassaq pingaarnerpaaq tassaavoq tamatumunnga najoqqutassiornissaq.

Pilersaarummi suliniutissat assigiinngitsut immikkoortiterneqarput, tamarmilli ataatsimut qulequtaqarput; illoqarfimmik ataqatigiissumik innuttaasunut pilersitsinissaq.

Illoqarfik assigiinngiiaartunut inissaqartitsisoq pitsaasumik illoqarfimmi avatangiiseqartitsisuuvoq. Najukkami Ataatsimiititaliap aamma Kommunalbestyrelsen Paamiut ineriartortinnissaannut takorluugaannik pingaarnernik Pilersaarut Tamakkiisoq imaqqarpoq.

Pilersaarut tamakkiisoq Najukkami Ataatsimiititaliamit sakkussaavoq, iliuuseqarnermilu ataavartumik malitseqartitsinissamut aallaviusassalluni. Tamatuma saniatigut suliniuteqarfiusuni sammisat, ataatsimut pilersaarutip siuariartorneranik, takusutissaassapput.

#### *Aaqqiissutissatut siunnersuut – suliatigut naliliineq*

Pilersaarut tamakkiisoq kommunimut pilersaarummi Sermersooq 2028-mi qulequtaasunut uiggiussaavoq. Qitiutillugit iliuuseqarfigineqartussat pingasuusut tassani aallaavigineqassapput: 1 Niuertoruseqarfik, eriaginninneq qitiutillugu, 2 Blokkini isaterineq aamma 3 Illoqarfiup qeqqanik kusassaaneq

Taamaalilluni pilersaarut tamakkiisoq Paamiut pillugit periusissiaaareersunut naapertuuppoq.

#### *Aningaasaqarnikkut sulisoqarnikkullu naliliinerit*

Pilersaarut tamakkiisoq aningaasaqarnikkut sulisoqarnikkullu sunniuteqartitsissanngilaq, Paamiunili sumiiffinni arlanni iluarsartuussinissamut pitsanngorsaanissamullu aningaasaliisoqartariaqarneranik taakkartuiffiulluni.

#### *Inatsisitigut tunngavissaq allakkallu tunngaviusumik uppersaatitalit*

Pilersaarusiorneq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq aamma

Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Pilersaarut inaarutaasumik akuersissutigineqareerpat kommunip nittartagaani Paamiunilu allagarsiivimmi tamanut saqqummiunneqassaaq. [www.sermersooq2028.gl](http://www.sermersooq2028.gl) -imi saqqummiunneqassaaq.

#### **Aningaasaqarnermut Allatseqarfimmit oqaaseqaatit**

Aningaasaqarnikkut periarfissaatillugu kommunimi illoqarfiup pitsaanerumik ineriartortinneqarsinnaanera misissorneqarmat, Aningaasaqarnermut Allatseqarfiup ataatsimut isigalugu pitsaasutut isigaa.

#### **Innuttaasunik peqataatitsineq/attaveqatigiinneq**

Pilersaarut tamakkiisoq Paamiuni najukkami ataatsimiititaliaq qanimut suleqatigalugu suliaavoq, qitiutinneqartussatullu akuerineqarsimasut aallaavigineqarlutik. Innuttaasunik peqataatitsisoqartarneratigut qitiutinneqartussanik ilusiliisoqarpoq.

### **Ingerlatsivinnit allaniit oqaaseqaatit**

Ingerlatsivinnit allanit oqaaseqaateqartitsisoqanngilaq.

### **Ilanngussaq**

1. Paamiut pillugit pilersaarut tamakkiisoq

## **IMMIKKOORTOQ 6: Taasariaqartut allat**

### **Beslutning**

Justus Hansen (D): Ang. med tunnellen .. kigget på evt. omveje.

Mala Høy-Kúko (S): Inatsisartuni ilaasortanngussaguni Kommunalbestyrelsimiit sulinngiffeqarallarnissaminut qinnuteqarnissani ilisimatitsissutigaa.

## **IMMIKKOORTOQ 7: Suliat matoqqasut**

<p>Soqanngilaq.</p>

## **IMMIKKOORTOQ 8: Imaqarniliap akuersissutigineqarnera**

### **Beslutning**

Imaqarniliaq akuersissutigineqarpoq nal. 15:03.